



Bibliotheca Rhetorum

In quo Causae Forenses, Liber Epistolarum, Liber Fabularum, Et
Oratiunculae

Le Jay, Gabriel François

Ingolstadij, 1726

Pro Thesi D. Ludovici Abbatis Chomel.

[urn:nbn:de:hbz:466:1-71049](#)

A L I A

*Pro Thesi D. Ludovici Abbatis
Chameli.*

QUÒ me evocas etiam è longinquo, & quām alienam imponis mihi personam ab eâ, quam tueri vellem. Nobilissime Adolescens? Si veniendum mihi huc fuisset, vel ut spectator ac testis forem illius glorie, quam ex hodiernâ concertatione relaturus es, vel ut plauderem ac gratularer victori, vel ut in hoc amplissimo confessu profiterer palam, quām egregiam hic concitāris apud omnes opinionem tui; ad volâfsem ultrò ac lubens, neque me locorum intercapedo, neque amœnæ solitudinis amabilitas, neque concessa per has ferias solitis à laboribus cessatio retardâfset, quominus propensissimæ meæ erga te voluntati statim obsequerer; & quod non æquitatis minùs, quām veteris necessitudinis ratio postulat, publicum rerum à te tota decennio bene gestarum testimonium redde-re.

Neque me verò parùm delectâfset iam conveniens animo meo materies; sive dicerem de singulari meo studio erga familiam tuam, quam obiti multâ cum laude magistratus, ipsa supremi Galliarum Cancellarii amplitudo, & contracta cum primariis Aulæ Proceribus affinitas hodiéque nobilitant; sive de te ipso loquerer, ac prædicarem ingenii tui perspicaciam, suavitatem indolis, morum integritatem, pietatis studium, indefessum laborem, cuius vel id unum inficandum ne-

T 5

mini

mini argumentum erit, quod intermissum longiori
ac repetitâ sæpius ægritudine studiorum curricu-
lum, confirmatâ nondum valetudine operosius
redemisti; &, quod alii reparandis viribus tribu-
endum censuerint feriarum tempus, idem tu se-
riæ ac difficiili, si qua est, exercitationi manci-
pâsti.

Equidem scio dotes illas egregias, quas lau-
damus in te plurimū, ac suspicimus, fructum
esse liberalis, illius educationis, quam hau-
fisti domi, cùm ab illustrissimo parente, tum
ab ipsâ pia sedulæque matris operâ, cui nihil an-
tiquius fuit, quām ut in te & amantissimo fratre
tuo, cui Rex ante tempus ad ineundum Magistratū
viam aperit, excoleret felicem indolem, &
bene præparatos animos documentis pariter at-
que exemplis ad singula virtutum omnium offi-
cia informaret. Verū quis neget esse hunc in
adolescentiâ laudis cumulum, si disciplinam bo-
nam apponere lucro nōrit, & credita sibi rerum
optimarum semina valeat feliciter promovere.

Hinc vides, Adolescens Nobilissime, quām
læta mihi surgeret dicendi copia, nisi me adver-
sarum malles, quām laudatorem. Ergo, & tibi ut
obsequar vel invitus, aggrediar, &c.

ALIA

Pro Thesi D. Achillis de Soubeyran.

Ecce postremis nunc demum hujus Lycæi la-
boribus perfungeris, nobilis & ingeniose
Adolescens, & emensus feliciter longioris
curriculi stadium opiatam jam diu metam prope
con-